



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Johannis Michaelis Dilherri Contemplationes, Et Suspiria Hominis Christiani**

**Dilherr, Johann Michael**

**Norimbergae, 1660**

XXI. De sexto Christi Verbo, in cruce prolato.

**urn:nbn:de:hbz:466:1-10209**

154 CONTEMPLATIONES  
CONTEMPLATIO-  
NUM ET SUSPIRIO-  
RUM HOMINIS  
CHRISTIANI

XXI.

*De sexto Christi Verbo, in  
cruce prolato.*

**O**Mnia utiqve & singula, Domi-  
ne! toto pectore & omni lu-  
bentiâ effecisti! quæ saluti nostræ re-  
cuperandæ sciebas necessaria: unde  
sextum fuit verbum tuum, non; con-  
summabitur: ut in itinere Hierosoly-  
mitano dicebas: *ecce ascendimus  
Hierosolymam; & consum-  
mabuntur omnia, quæ scri-  
pta sunt: per Prophetas, de  
Filio hominis. Tradetur enim  
gentibus; & illudetur, &  
flagellabitur, & conspuetur:  
& postquam flagellaverint,*

*occi-*

*occident eum : sed consummatum est.*

Consummatum est, quicquid gens iniqua, quo cruciatus tibi posset exasperare, excogitare poterat.

Dicebas quidem & ante horam & potestatem tenebrarum, tempusque crucifixionis : *opus consummavi, quod dedisti mihi, ut facerem* : sed opus illud erat aliud, opus nimirum prædicandi Evangelium : ut ipse mihi innuis, Domine ! cum addis : *manifestavi nomen tuum hominibus.*

Hoc opus, quod jam dicis esse consummatum, est opus patiendi pro genere humano : opus bibendi calicem passionis, quem Pater tibi dederat.

Exhausti jam totum illum : ut nihil superfit ; nisi ut ex vita abeas.

Consummata est potestas, quæ dæmonibus apostatis, & impiorum coluviei, erat in te concessa.

156 CONTEMPLATIONES

Consummata est peregrinatio: quâ exiveras à Patre, & veneras in mundum: quâ, quasi colonus, in terra fuisti, & quasi viator.

Consummata est humanitatis mortalitas.

Consummatum est omne vaticinium; quod de vita tua & morte Prophetæ prædixerant.

Consummatum est sacrificium omnium sacrificiorum maximum: in quod omnia sacrificia fœderis veteris, tanquam figuræ & umbræ, intuebantur. *Unâ enim oblatione, consummasti in sempiternum sanctificatos: Et finis es legis, ad justitiam omni credenti.*

Nunc, carnalium sacrificiorum varietate cessante, omnes differentias bestiarum, unâ corporis & sanguinis tui imples oblatione.

Traxisti, Domine! omnia ad te:  
quo

quoniam, scisso templi velo, sancta sanctorum ab indignis Pontificibus recesserant; ut figura in veritatem, Prophetia in manifestationem, & lex in Evangelium, verterentur.

O mundum! ô immaculatum sacrificium! cujus ara crux fuit: quæ quantum vilior fuit, antequam Christus eam subiret; tantum postea est facta illustrior & nobilior: cujus ignis, holocaustum cremans, sacrificiumque perficiens, est charitas immensa, quasi fornax, vehementer accensa: quæ flagrabat in tuo, Jesu! corde: quam aquæ multarum passionum extinguere non poterant.

O Jesu: redemptio mea! misericordia mea! salus mea! te laudo, tibi gratias ago: quamvis valde impares tuis beneficiis, quamvis multum expertes devotionis, quamvis macras à desiderata pingvedine dulcissimi tui affectus: tamen qualescunque gratias, non quales scio me debere, sed, sicut potest conari, tibi persolvit anima mea.

Spes cordis mei! virtus animæ meæ! compleat tua potentissima dignitas,

158 CONTEMPLATIONES  
quod conatur mea tepidissima imbecillitas: ô vita mealtu finis es intentionis meæ!

Etsi nondum merui tantum, quantum debitor sum amare: utique saltem desidero te amare, quantum debeo.

O Jesu! semper inhæreat animæ meæ verbum hoc tuum: *consummatum est.* Cùm mihi, in agone mortis luctanti, peccatum & damnatio obversabuntur, & vitam meam, transgressionibus deformatã, detestabuntur, dicam: *consummatum est, pro peccatis, sacrificium.* Tu enim agnus Dei es; qui tollis peccatum mundi.

Tu, non corruptibilibus auro vel argento, me redemisti; sed pretioso sanguine tuo, quasi agni immaculati & incontaminati.

Cùm lex me accusabit, & exiget supplicium; dicam: *consummatum est ejus implementum.* Ubi enim

enim venit plenitudo temporis ; misit  
Deus Filium suum, factum sub lege ; ut  
eos, qui sub lege erant, redimeret ; &  
nos adoptionem filiorum acciperemus.

Cum mors me infestabit & terre-  
bit ; dicam : *consummatum est  
tuum dominium.* Devicta es à  
Domino meo : qui potestate te exiit,  
aculeo te spoliavit, venenum eripuit :  
ut mors mihi mea sit jucunda requies,  
magnum lucrum, dimissio in pace, a-  
vocatio à malis, occultatio momenta-  
nea : dum transeat ira ; & cœlorum  
pateat janua.

Cum me hinc discesurum lugebunt  
mei, & discesum deplorabunt, lectu-  
lum gemitibus & fletu circumvallan-  
tes ; dicam : *consummatum est  
meum curriculum.* Tempus  
præstitutum præteriit ; periodus est  
absoluta ; quam transilire non licet :  
clepsydra est evacuata ; hora liberatio-  
nis appropinquavit ; calamitas hinc mea  
sistit ; & portus est in vicinia ; in quem  
depor-

160 CONTEMPLATIONES  
deportabor ; ubi lacryma omnis de-  
tergebitur.

*Ecce ! relinquo vobis Con-  
summatorem boni omnis, mi-  
tigatorem & finitorem mali  
omnis : hic vos , ad ipsum  
confugientes , solabitur , ser-  
vabit , tuebitur ; cui animam  
meam , cui vos , anima mea  
dilectos , eternum commendo.*

CONTEMPLATIO-  
NUM ET SUSPIRIO-  
RUM HOMINIS  
CHRISTIANI

XXII.

*De septimo & ultimo Christi  
Verbo, in cruce prolato.*

**E**T si, Domine Jesu Christe ! ma-  
gna est humilitas, magna est ab-  
jectio, magna est afflictio tua, ut vix  
homo,